

孫徵君日譜錄存

孫徵君曰譜錄存卷之三

順治七年庚寅六十七歲

後學

江西陳寶箴

校訂

七月

武陟王 輅

初一日

九世孫世政 世金 桂 麟 荆

韻兒讀孟子謂之曰子須先識孟子然後好讀孟子  
書不動心三字是孟子一生大造詣大本領出入  
千聖萬賢之中壓他不倒真正是一箇聖賢象傑  
百代殊絕人物試思道不動心三字千難萬難北  
宮黜孟加舍一味用罔博壯世卻有此等人然非  
孟子所謂不動心也秉禮而處奉法而行當世節

道喪之會憂危惕勵驚懼多端獨能使此心坦然  
甯謹故曰難也孟子自討老腳曰我知言我善養  
吾浩然之氣言是與天下闕通之脈絡不知言無  
以知人此是孔門家法至養浩然之氣則發前聖  
未發之蘊直養無害塞乎天地是何等功用然其  
歸者又言集義必有事焉勿正勿忘便與聖人同  
一無息乎是同一不已舜禹湯文周孔夫豈有他  
道哉程子曰孟子學已到至處知孟子方可與讀  
孟子

初二日

示塗孫 塗孫十一性何慧屬對強奉旨微謂我謂  
童子宜習勞懽然趨事色無戾想路依稀似成人  
經書大義語無滯敢云風雲萬里心祖父家聲可  
勿替

初三日

先仲兄生日 猶疑此日欲開筵忽憶鶴原草已芊  
零亂空山數點淚南風吹向北邙前

初四日

鄉思 鄉思會聞老更加豈耽寂寞滯天涯無家安  
得復相念只怕歸來益自嗟

暑深 暑深耽臥出門稀例病從來正此時寄思代人成短旬消閒邀友戰枯棋

初五日

鄰人惠酒惠茶相繼致問感而有賦 酒美茶香惠我頻多君雅意迥非塵孤懷自愧疎慵甚敢謂今朝喜得鄰

初六日

爲王允明構釋學編序

入歲寒集

初七日

七夕口號 女織男耕帝力多天工垂象意如何

端競起填橋事徒惹詩人筆底波

初八日

爲賀宣三搆和論語頌序

入巖寒續集

訓睡仙侍御真長歌 惠我長歌字字琛空山日夕

對孤吟大河南北推宗匠老筆高懸萬里心

初九日

答孫睡仙前惠雄篇吞吐河漢震盪風雲自長此

道奇觀也白也詩無敵翁於老宗匠亦云然過燕

門逾兩月爲例病所苦日兀坐空山應酬俱廢興

到時輒與一二同人過百泉對碑間大作以娛

客懷擬於秋爽後體中稍健過林慮一遊聞道途  
崎嶇此願恐莫之遂也南陽龍臥侯歸漢日當策  
蹇相訪義捧詩想已就矣此等題萬不可少一作  
答王九明索序 釋學三篇功深力到病中讀之爲  
之起舞率爾成敘聞有便人入京遂付之竊思此  
道吾鄉自鹿伯順而外復得年兄妄擬天地儘寬  
尚自有上下不接踵其人者不意南來千里餘寥寥  
乏人安得縮地與年兄常相晤耶

初十日

得甯晉張氏一門五烈

入取節錄續集

十一日

題甯晉張氏一門五烈 五烈一門真氣純 坤山借

爾蜀嶰响誰能不有潔身事肯借讓婦人

共城喜晤徐家世燕雲一偉人 蘇山邂逅得

相親鄉心處旅情偏 篤交道世門誰更真 竹帛借

君光氣色江湖待我娛 閒身從今已肯要 鳴好風

月佳時惠句新

十二日

立秋 一葉飛來天地秋 雨餘暑退半窗幽 長途未

墜詩書業晚節甯爲貧賤羞 耳絕市聲乏物累 門



無俗駕與天遊烟波萬頃鐘聲起好覓綸竿上釣  
舟

十三日

寄賀宣三 函樓信宿意中言外俱見至情此誼豈  
可多望於今之世且令兄令郎殷殷相愛莫不如  
之僕何以承此明德也別來晤湛虛詞馬下士之  
懷迴出滄作伊時卽作字託李允繩舍 轉致  
得達矣僕留蘇門三月此中山水與客懷相宜  
擬從此過林慮一遊先遣小兒往視只薪水之費  
萬非貧士所能肩目今家口在其城洪水兩處倘

未得定止耳所委論語頌序尊率報命竊思此道  
千餘里來竟無一人提起舉世行習舉世不著不  
察良可浩嘆足下大力深心有承此任關係匪細  
北歸再過門樓當爲傾吐耳

十四日

高賓皇齋頭漫賦 自是凌霄一輩人偏來塵外著  
精神都忘忌諱談方洽盡解儀文形較親事到快  
心多具癖品成足色總歸真得君不恨相逢晚莫  
向天涯嘆比鄰

十五日

友人說買山 涼雨新秋迴孤雲獨去還噴詩消旅  
病讀易伴身閒萬事隨緣度一貧到處艱巢由箕  
頹便何用買山錢

十七日

張羅月雨中過訪 積雨孤蹤百感生到門有客獨  
英英遠聞佳士猶神賞老見奇人更眼明聲氣飭  
盃千里合風雲指顧九霄輕居停高誼出塵外豈  
減南州下榻情

十八日

工部馬玉筍名光裕過昭 山西安邑人

十九日

送牛叶應之秦 君家林慮陽我住易水曲  
迢然千里隔顯晦亦殊局一朝聲味合時肝  
儼若烟膠紫知已言所在不一足愛而忘其  
膈直俾石爲玉自憐器識薄孤學日益措衰  
運窮困身無長可藏飲君說項心敢賤金蘭  
尋乘鏡出秦關名世正相屬遙望勞勞亭驪  
歌聲相續

二十日

贈馬玉節水部 斗山元在望未暇已相親  
一見儼平生藹然布履真德量欽去遠高襟  
照等倫公餘

開絳帳百年計作人斯文欣有託  
燕腐儒等亂故交淪感君塵外意無隱不效曠古  
人醉醕醪此語良有因歲月驚秋早江湖旅色新  
名世與幽士蘇門共一鄰

二十二日

友人談蓮花勝開病不能往觀憶而賦之  
曾小  
塵泥水漬蓮花叢要寄動身鎮日坐臥不厭類一  
日不見花若嘆西郊蓮開香滿闌月伴困懶減精  
神柳陰橋畔色自新爛熳紅白語津都不能力疾  
往相親終是與蓮隔一塵

二十三日

西郊觀蓮 君子不可見花中得其真者看  
在污泥 挺挺不染塵不以有人芳不以無人  
華幸不值風 雨坐悅清暑辰無欲心乃靜  
適適親我攜長 幼來儼如對佳賓亦思一  
舉觴病因復逡巡潔肅 三致意示我渡世  
津恨不結一茅眠食水之濱摸 寫香與色  
知君聞已頰託契在幽獨宵值看花人

二十四日

鄉僧過訪 敲門借問是同鄉提起家園欲  
斷腸爲 鳴巖持麈性訣無勞回首望斜陽

一十五日

秋晴 久點初晴秋氣新衰年亦助一精神形無潤  
澤雖云病舍有絃歌豈是貧老僕淇園能負米小  
童山澗可收薪一編周易讀將竟答譽元來不自  
人

二十六日

答友人問疾 僕自二十二歲六月中遭先君之變  
隨患嘈囉嗣後每年輒犯迄今四十六年平生於  
病可謂有緣矣兀坐如枯禪萬事皆廢薄福之人  
苟延殘喘所以不敢自縱毫富貴功名之念今歲

居蘇門應酬時少靜坐日多幸未至於狼狽山水之憂也臺仁之庇也

寄湛虛張司馬 先生當世第一流未晤先生知有先生既晤先生唯有先生千里出門爲不虛矣蘇門三月擬從此過林慮近大賢之居庶得常瞻顏色不謂道途崎甚衰病之人難於跋涉且彼中薪水甚艱大非貧士所宜目今思覓一枝暫棲於此曹子推先生之愛意極殷至某之受庇於曹子者是卽先生之惠施無窮也

二十七日



昭明道先生裔孫 明道先生百代師裔孫世系列  
如肩算來六百年間事家學淵源應付誰

百泉訪邵振宗不遇振宗康節先生裔孫 君爲康  
節之裔孫安樂窩中故址存落落孤雲何處去令  
人惆悵叩柴門

二十八日

再題義棹 棹亦尋常物無勞珠玉裝一朝兄弟台  
千古友子芳伏虎降龍手履冰嚼雪賜歸來應愛  
惜夜夜護清光

二十九日

唱友 一日一番氣色新眼前光景莫生嗔呼奴不  
至宜平怒待飯未來且檢身坐有良朋實足樂囊  
無長物豈云貧巨細精靈元一貫等閒認得卽家  
珍

八月

初一日

客有好感否人物者作此示之 由來感否寓春秋  
防口如川更可憂百孔千瘡難自醫是非何用到  
人頭

初二日

客堂太潤移榻東偏爲作此句 蓋茅一把可藏身  
堂潤棖華未似貧握扇全然無用處秋深肅氣恐  
難親 欲移小榻過東偏室額留雲正好眠掩窗  
塞窗風力失身安且可省加綿

初三日

章芸屢惠詩酬此 孤學不名家作詩亦非意獨以  
澹忘心聊巧爲自試夙昔急朋儻故交南北地喜  
得徐孺子山立質自異一照驚流塵深談淡素志  
高吟三百篇一字無塵思我史嘉其樸心口殊無  
二於我父子間論交有獨至飛鳴庶在睫勿謂我

不字世豈有定局情亦非一致君子慎所履小人  
得所視

初四日

雨霽 連日陰雲此夕和忽來羣鳥噪行窩似應戀  
我不飛去卻比俗交情更多

讀葉謙齋詩譚 葉子詩譚不在詩合盤學力具於  
斯非從言下窺元秘還憶躬行實踐時

初五日

友人偶拈四語相質意甚愛之取作首句爲四絕  
學先主靜非耽隱靜裏工夫惟戒謹樂則行之憂

則違有心避世卽爲悞 丈夫無品焉能貧困倒  
從來無限人簞瓢蔬水尋常事 孔顏樂處此中真  
海內論心甯有幾 古人尙友置身偉爲君請轉  
一言云於野同人豈此匪 老松閱世不嫌霜玉  
汝於成意甚良駭綠紛紅雖燿俗 一經風雨便踈  
踈

李彝卿名經已過訪滄洲人

初六日

東李彝卿兼致封印令宋子飛 蘇門秋色入懷清  
佳客相過雨意傾 千里杖屨談故國 一朝攜手訂

新盟乾坤愧我精光薄湖海看岩急氣橫此去封  
邱只一舍好將蘭味託琴聲

初七日

夜雨不寐作此自規 淒涼夜雨不成眠寇縱魔橫  
正竊權此處豈容人借力廓清須恃己當前 誰  
云難過鐵門闕玉鑰匙投一瞬間自在遊行成破  
竹陰晴風雨總歸閒

初八日

予與彝卿談甚久多及千里以外節義事彝卿樂爲  
言繼而曰士人喜談節義事固好卽不喜談而不

惡人談亦是好處予聞而竦然因憶有一貴人向  
其同儕頌一人之賢也其人若罔聞復有人再頌  
其人之賢也其人總若罔聞旁觀者訝之予曰不  
觸其怒足矣蓋賢在彼則不賢在此矣非克己之  
士孰肯輕與人以賢之名而以不賢自處乎顧厨  
俊及互爲標榜皆不善居其賢之過也無譽無咎  
道固應爾因紀之以示我子弟

初十日

得太康烈士王樹采秦尚友大興李毅侯臨江楊伯

大興烈婦李氏陳氏死事六則

入取節錄續集

十一日

諸友泉上賞桂花不及赴 百泉仙桂鬪香魂嘉客  
遙臨共一樽愧我非時花棧搗玄壯病骨倚柴門  
水部孫紹開光啟雞澤令朱方來級過晤俱廣西人

十二日

高賓皇招飲山莊同孫紹開水部徐章芸孝廉 曲  
徑清流致委蛇幽篁深處足棲遲主人好客饒風  
韻萬里中原共一卮

贈孫紹開 與君相隔數千里倏爾相逢百泉水領  
蓋投懽猶素交肺肝昭示無藏首樵漁牧豎可居



遊花竹禽魚供徙倚昔年花滿棗相連此日河清  
鄰復比古今元在覆載中南北何殊覆裏一家  
豈自插藩籬同室應無違視指任教雨覆與雲翻  
流俗借君爲柱砥

贈朱方來 湘水源流遠桂林發脈奇地靈不受涅  
人傑自相宜迢遞他鄉夢棲遲故國思漫嗟雲路  
迴遊旅有心知

十三日

憶王申之孫備九王譽之三子 一從陵谷遷到處  
未安席顏已全非朱貧仍如是赤平時徒自盟也

日竟無獲逼憶我同人夢魂飛旦夕

十四日

張湛虛司馬惠詩見懷用韻酬贈 南來懷刺到侯

門滌盡塵襟對酒樽易學已探千聖秘麟淵獨凍

一王尊

公嘗自言讀易讀春秋然皆未解

仁元造次無容去道豈

須臾有不存每憶箕疇當日事此懷難與世人論

世事渾如湧白波遺愁疑若塞黃河山空好聽

蘇門嘯耳熱猶聞易水歌康濟一身非見少彌綸

萬物豈加多出迷正借鈞陶手霜鬢蕭蕭奈老何

十五日

翫月有述同共城諸君子 萬里此明月無雲特快  
人良朋攜酒至樂意轉相親 坐月到深夜中原  
氣色清天心懸一鏡疑爲客星明

彝卿惠柬口號 爲因竹葉入文房殘卷裁成柬甚  
良毛穎輕烟欣得友等閒題遍舍東廂

十六日

坐月有述 忽然一夕過中秋但恐清光漸漸收圓  
處憶從缺處得人心逸去幾能留

十七日

讀世說迂談 流寓共城訓應既少有暇可以讀書

但目力昏迷苦不能多予姻友李霞表讀世說每  
當快意輒爲予頌之予亦爲忘倦至於牙室太利  
筆鋒過銳者每多以理裁之而慮其過甚也夫不  
學之流弊自應至此獨念司馬仲達欺人孤兒寡  
婦狐媚以取天下石勒且羞之而國祚將二百年  
不爲不久矣說者猶謂亡於清談予謂晉祚而亡  
於清談也司馬氏之幸也不清談將不亡乎獨惜  
一時清談諸君子奇情曠逸真所稱賢知之人與  
未聞君子之大道也不讀人間非聖書凡可以奪  
吾好而易吾聰者蓋有百倍於此可不慎諸

十八日

孟調之惠詩用韻酬贈 砥世茫如障海流維風難

似移山邱山川豈爲興亡改氣志皆因我病休故  
國十年罹患難蘇門此日復淹留感君千里書迎  
我攜手一朝味更投借古聊評當世事說言

此心憂素琴可冀知音賞寶劍遑堪補碎讎投老  
未除遊俠氣途窮不向俗人謀雲臺未審誰龍虎  
湮浦憑人呼馬牛喜爾兄弟皆一德慙予父子隨  
同舟長生乏藥精光短挽日無戈歲月適惟有澄  
心而定慮宛如溪鷺與沙鷗採薇何必西山岑垂

釣無庸東海陬淇水百泉只一舍皎然心事兩悠悠

二十日

李彝卿悼內賦此慰之 與君見云晚契君誼偏切  
每聞知己言名義腸獨熱口談猶未置繼以筆爲  
舌因悉君家世蘓北稱閥閱忽有內子慟慘淡情  
欲絕自云四年來嚴親先見訣繼之以慈閨伯兄  
又別笑號一寡妻漂泊病相擊一朝忽棄捐牽  
衣兒女咽因念閨中人婦道未嘗缺公姑能稱懼  
子心亦云悅且喜同茹淡俾我無差跌五女兩男

兒苦累形神竭一念一迴腸負慟無容說書仍有  
此日日裏心徒熬夜仍有此月月下氣倍結我聞  
之子言吁嗟食爲噎坤維有足風英英文中傑君  
非苟奉倩婦德可昭揭

二十二日

友人問如何是道學曰日用間凡行一事接一人無  
有不當理中情之處此所謂道也卽所謂學也必  
待聚衆上坐開講擬程擬朱恐其名是而實非道  
學之實不可無道學之名正不必有

二十四日

張達元先生寄問 三十年來聲跡投感恩知己兩  
相稠書生無地酬明德元老遙思慰旅愁渭水潭  
澄綸未歇傳巖墅冷夢津收黃扉豈向青山老道  
在仍同箕子籌

二十五日

馬玉筍水部招飲同西粵孫紹開古燕徐章芸大梁  
陳守光 揮塵飛觴兩意和蕭蕭白髮醉顏酡六  
千雲路天中飲河朔當年未足多

二十六日

友人問諸儒同異曰君子亦仁而已矣何必同再爲



轉一語曰君子亦仁而已矣有何異因咏放翁詩  
云未言看到無同處看得同時已有功

二十八日

答王允明 中秋後讀石友沈公所寄字透胸達背  
見理真切若來教云聖賢之學有大主宰大主宰  
處透悟由也升堂顏曾入室矣此言最可味夫主  
宰者何心也此心我與千聖萬賢一而不二然非  
學何以知此心之與千聖萬賢無二也非戒懼慎  
獨勿自欺其知以爲學又何以能令此心與千聖  
萬賢無二也言知便在行上不能行何以謂之知

陽明子知行合一之論既詳且確羅念菴痛除將就冒認四字正爲所行非所知者下砭一言可以盡終身終身不能盡一言甚矣知之非艱而行之維艱願與吾丈共勉之來教云聖人之心與吾人之心一而無二學者知自己之心則知聖人之心謂聖人必可學而至見地既透發願亦猛然吾人卒難與聖人合德者只因此心久被私欲隔斷非時時用省察克治工夫則昏昧既久放逸難收又未免認賊作子到的知止而定理欲分明時此心便有主宰便好下手聖而不可知之謂神亦此善

信也此言最是日用循習確有實際下學在此上  
達在此但不容的一毫表暴一刻作輟孔聖人非  
時習安得有悅樂悅樂後仍須防愠意纔可謂之  
成德來教云蕭霍申屠房宋裴李之流其相業彪  
炳千古然而謂之聞道則未也又曰周程得君行  
道安知不爲名相則是以周程爲聞道乎非聞道  
乎僕嘗謂尼山聞道二字除顏曾而外恐未敢多  
許道統天地古今之全合從來帝王賢聖發揮不  
盡不過各就所值之時所履之位行其一端堯舜  
之禪讓湯武之征誅周公之禮樂孔子之刪述繼

其時之所發現而中之所託處遞衍之而爲事功  
爲節義爲議論亦各道中之一節一目闕此者不  
論窮居不聞者不論大行君子所性一章直揭底  
蘊士生孔孟之前定案毫不可易士生孔孟之後  
立論亦難盡憑若周茂叔程明道心性處了然分  
明庶幾所謂聞道與

九月

初一日

錄姚江語數則粘座右

書西銘

初三日

夜雨 蕭蕭一雨到天明  
入耳簷聲淒復清  
不足有餘天地愆恒風  
恒雨豈無情  
天道由來非渺茫  
細思何日是平康  
綢繆陰雨終無礙  
但覺黃綿襖子長

初四日

淫雨過甚欄上生苗三寸許  
淫雨連綿動入旬  
二分秋色已沈淪  
害耕傷稼尋常事  
泥榻青苗繡面勻  
一暴十寒秋色闌  
流光一去再來難  
從頭檢點吾心事  
能幾清甯日月寬

初五日

百歲僕來打柴值淫雨僕且病柴不能辦計日授直  
更增苦累戲爲口號 覓僕特來爲辦薪入門值  
甫病逡巡主人姑息應憐汝授直加餐更苦辛

初六日

題扇 此扇誰云意已疎卷懷珍重自如如行藏用  
舍非關已好待明年二月初

初七日

望晴 密雨稠雲晴復陰眼看秋  
森誰能透  
得乾坤秘冷暖升沉不動心

初九日

重陽漫題 中秋候過又重陽心事悠悠難自量  
籬菊既無兼乏酒漫吟陶句兩三行

十三日

王柔之王大爲視予共城云各北歸迎世兄同來  
之子桓桓兩俊英有兄奕奕擅時名武圖禦侮友  
先後趣未深寒好計程

兩王生自西崗來余謂之曰處人不可全見人之不  
是一見人有不是則責人之意長處已不可全見  
已之是一見已之是則自責之意短君子小人之

分無他求已求人而已矣

謂望兒等曰此心一日之間不可令其無事無事則非必有事焉之意又不可令其有事有事則非行所無事之意然則相妨乎曰非也無事則一飲食日用悠悠無知之民耳烏能行所無事哉必有事者集義而心慊到得慊心時自能行所無事矣行無事先自必有事始

十四日

謂奏兒等曰汝師伯順先生生平有三變爲諸生時有嗜書之癖飯至呼之常不應初登第一介必嚴



萬人必往故到處能循職掌人人驚爲破格事榆  
闕三年功名之念已灰生死之關亦破每以朝聞  
夕死爲談柄故能從容就義而神不亂

馬玉筍徐章雲同時舉子戲爲此句 雙璧同時報  
獲麟天教世德煥家珍蘇山正自悶無事湯餅筵  
頭好作賓

十五日

謂諸子曰人心無無念時念之所起卽意也或理或  
欲人不及知而已獨知所謂知也理必務存之爲  
快欲必務去之爲快所謂誠意也理與欲不相蒙

百理中之欲亦不得蒙所託致知也致知與之  
賦作子之患工力亦覺直截

十六日

賦保汝自范陽來 千里徒行氣未降讀書喜爾得  
姚江龍場三載成何日博得良知滿一腔

十七日

西崗人來得立兒容城家報博兒祁州家報 從來  
貧病苦相侵兩地家書刺我心事有可愁難作喜  
披衣跌坐聽更深

二十日

保汝欲渡河去看母兄謂之曰如汝去看母與兄則  
母與兄便是物當去看卽去看所謂格物也此念  
惘然不受遮蔽所謂致知此念肫然無有詐僞所  
謂誠意到得誠意時心有甚不正身有甚不修事  
親從兄滿其量家有甚不齊有國者而國治有天  
下者而天下平凡舉一物格致誠正修齊治平一  
言以蔽之曰明明德只因私欲障蔽  
人有此全功大用人人皆天良可痛惜

三十一日

杜清美以書生投筆就覲焉一弁迂其途來視余相

別之際出一扇索題余曰汝欲爲行道計耶遠矣  
而應曰救死耳余曰能救死是亦行汝之道也此  
身非無用隨地隨時可以自策不辱祖父不愧師  
友正不在高爵厚祿間矣書此以當祖道

二十五日

過衛輝

十月

初一日

至西崗

初二日

馬構斯自江南回攜張元微字二紙

初六日

密刁非有一區博得嗚嗚傍半載蕭蕭客路長曾

約歸那應有日結茅雲嶺待聯牀

節孟調之 問君何事繫眉頭日日相損結眉變近

得真人一字訣但向吾心可處求

歸孟服之 心火焦灼無了期細思此在欲何爲

須默簡發源處依舊天宮雲淨時

始王腹心 翻覆雨雲難料量人情久矣難平康惟

君樸茂猶存古不調而今見彥方

初七日

同于度德講之客館

初八日

回其城宿關外

十一日

謂耿保汝曰君子所貴乎道者二非專在容色辭氣  
間論也正見勤容周旋中禮盛德之至非道學自  
修以至恂慄安得有威儀

十二日

馬構斯南來得死忠山陰劉宗周節處佳王敏著余

煌陳季武北直王之仁餘姓熊汝霖孫嘉績列婦  
涿州劉氏烈女龍游徐蓮姑事十則

入取節  
錄續集

十三日

涑水李自乾寄詩見懷 開緘接得故人書屈指相

違五載餘咫尺還思遠倍切讀詩字字起躊躇

十四日

得忠義淮安魏賢一則

入取節  
錄續集

十五日

請保汝等曰吾人一日之間念慮遷轉主實純駁不  
知凡幾然非有一個善卻又有一個惡來相對也

陽明所謂善惡只是一物本體上才過當些子便  
无惡了肫然不雜一念恰恰合乎天理當乎人情  
此之謂由仁義行生知安行者之事偶涉一念而  
卽覺之存其心養其性不違之復學知利行者之  
事私欲萌生內省多疚然獨知獨憤不憚已百已  
千所謂愚必明弱必強此困知勉行者事生安者  
日霽天晴纖塵不起學利則浮雲之過太虛耳固  
勉雖重陰積蔽而太空之體終不受礙我輩既立  
拔俗之志念之善惡豈容自昧善者急爲長善惡  
者急爲克治獨知獨修正在此處用功全不靠著



外面今往視其兄當以此語告之艱難困苦本性  
正好出頭幸大家策勵勿甘墜落

十七日

謂保汝等曰玉筍馬公一日講道學之名畏途也因  
人衆未竟其說後見予與友人論道學之實不可  
無道學之名不必有躍然有當於中謂其解先達  
曹貞予先生以躬行實踐之君子猶不免取謗於  
人予曰甯獨曹公以陽明患而不免程朱祖而不  
免此固必然之世情無足怪然亦講學諸公有以  
啟之也蓋學者愚夫愚婦之同然正在不爲夫婦

之愚誘焉還之以各得如講學者居然先自負爲  
聖賢君子之品從講者各自負爲超羣絕塵之人  
只此一念岸然自異已非遊世無悶之意旁觀者  
肯帖心降志乎况從遊之人成千成百爲名爲利  
安保盡能傳習師說保汝今日既暫寄居於此便  
且安心靜坐我輩數年聚首不易親師取友安頓  
身心是目前緊要功課如望雅旣體弱不能耽勞  
著悠優涵咏謹疾課兒便是學問韻雅酬應之暇  
章句不廢便是學問塗孫酒掃應對客至捧茶讀  
書百字便是學問卽如時意打柴買菜內外傳話

各無違禮俱是真實學問所在莫淺視此日用常  
行

循理所以居敬踐形所以盡性格致所以誠意致知  
所以致中育萬物所以位天地

十八日

寄馬玉笋水部 曾世兄退地之狀呈上竊惟某以  
七旬之年攜老幼四十餘口走千里之外所恃以  
爲作家之計者全借地主之緣今幸託兩賢宇下  
且將合西崗之親友子弟各禮負而至出於其途  
耕於其野矣初與曹氏約二年後仍歸地主者蓋

慮兩賢榮摧後恐有驥之他往者不得不計及於  
此然託二天之庇想不至是萬一歸故園則地歸  
本主有成言在佟明府處幸爲致謝

十九日

西崗房產仍歸馮生

二十日

爲馬構斯作南遊歸序

入歲寒  
二集

二十三日

同西粵朱方來古燕熊贈北登文魯閣有紀 高閣  
峻增眼欲醒桂林燕樹兩開屏斯文統續元無晦

振噴提龔看日星

二十六日

同友觀余五忠手蹟五忠者楊大洪左浮邱魏廓園  
周蓼洲鹿伯順也

題城隍廟聯 神本退藏雖潛伏在不睹不聞之地

理還流露更昭宣於莫見莫顯之中 神祠聯  
人自造欺嫌招禍招福神偏有較量降殃降祥

引善念杜惡萌多方設相去人欲存天理甯待見  
形 孝順祠聯 百行之原忠臣義士同歸是爲

仁之體作聖希賢總在斯 索命祠聯 闔地闔

天誰云暗室殺人無鬼瞰宿因宿報自合法堂負  
罪俟神誅

二十八日

寄耿保汝 保汝渡河之夕是日徐章芸不及留款  
黯然低回者久之予曰何相念之殷也徐曰耿子  
澹遠不可以淺近窺予曰何以見之徐曰吾見其  
敝袍而無忤色也與人落落穆穆不以治然意  
之所可不難以身許人又常與之對弈見其意不  
在棋所謂勝固欣然敗亦可喜不佞每逢良友便  
欲下拜若耿子者豈容不在念耶予曰君可謂保

汝知已保汝不濫交予嘗詢其所師事者曰杜君  
異友事者曰王五修陳國鎮又喜得一章芸矣

二十九日

寄賀宣三 讀手字近裏切已毅然以從事此道自  
任此千餘里來立志發願第一共學僕四十  
年日中所僅見之人何幸如之至謂下手入門誠  
意致知四字既看傳習錄則錄中透發此旨一了  
百當但要虛心而體實意以承萬不可求頓悟元  
則出姚江而親見尼山將在是矣

寄張馨遠 平干風味至今魂夢尚依依也蘇門景

此奏兒相晤諒已悉之百荷之益孤寡相共且於  
心實快此是我輩真切學問候聞之甚喜甚慰充  
此念也火燃泉達萬物一體之懷於此兒端子與  
氏之喜樂正子意正如此可與宣三兄時相策勵  
目引月伸方不負良友聚會之意約跋榮儉正是  
隨時隨處體認天理急梓之此中諸同志正尋此  
約爲亡女詩道丈闕節盛心然未免凄我老懷  
也

十一日

初二日



題王楊兩茂才讀書處 一仲清標未易僣馬融帳  
下推名流雙帷有志非溫飽日夕嚶鳴共倚樓

初五日

爲守光聯云 世路風霜經處鍊人情濃淡靜中窺

初七日

示望雅韻雅 學者立身先辨雅俗存心貴審欺嫌  
自真儒道喪欺詐相高慎獨誠意之功絕無過而  
問焉者且至不辨雅俗爲何事認世情紛惑爲不  
可少厭落穆蕭寂爲不足觀間有一二脫畧世網  
而詆毀非笑者衆所謂抵牾流俗必素傑之士

寄于紅若謝彝甫 憶去年此日 爲軒幕齋兩地  
設榻設殿款愛此道何可忘相別 披襟淹留三月  
伴厚人富不忍忍 欲言別當家口一半攜一半商  
來今覓一枝於曠臺邵窩之傍暫爲棲止千餘里  
來所得聲氣之士不乏若真實篤志向學爲身心  
性命之計未免寥寥一二仲當互爲切磋及時聚勵  
我輩相隔雖遠猶比屋也

初八日

客有憐予太瘦者 漫訝冬來太瘦生 掠鼓千里客  
星明蕭條庭戶山人味粗糲盤餐野老情一盞昏

燈催我倦數行疑義付兒評無聊身世神應損體  
胖形肥卻不平

初九日

除先敬運兄服 嗟兄之逝矣倏忽已愈年音容雖  
若隔寤寐恍在前憶自竹馬時嬉笑相比肩白頭  
歷艱辛日日共周旋二起早曉昔攜我倚墓邊家  
口日登繁雜誠與衆聯情等而性耐上下幸無怨  
伯元與季爺前後相愛揭時嗟我二人共涉無楫  
船風濤幾日沒孤艇借死全予慘我兄知兄意予  
窺先友于爲知已五倫得一焉近因我遊地山

迴兄每一過之意與更留連矣歌曰社酒竹

比賢壽登七十一小極遂經綿兩月臥牀褥  
彌留見性天毫髮無掛帶本體已釋然兄猶握我  
手請我福如川不受塵世涅天際羨孤鶩語終迷  
爲別含笑赴黃泉高子已立傳我詩再披宣今夕  
是何夕爲期已告遷絮酒不及陳透墳城北埏衰  
年倍懷惻涕泗寫哀篇

初十日

寄毛煥斗 過葉城全爲訪仁翁不意鏡面成違天  
豈有意如人良晤耶然家累衆多搔擾水厨不安

實甚南來千里棲止未定適於晴窗靜室之傍暫  
覓一枝時與二三同人遊咏其中殊恨不得與名  
手分題步韻未免令山光水色笑人黠黠耳

十一日

偶書志警 好高一念最難銷借習習惡徒自慙泰  
嶽何如平地好開行緩步亦逍遙

十二日

語友人曰無瑕可攻無非可刺鄉愿所以亂德也  
過則改有善即遷豪傑所以證聖也此全是真偽  
欺慊之分陰陽理欲之介學者辨之不可不早

十三日

王申之自五公山來得易州烈女趙氏一則

入取節錄續集

十四日

喜王惠迪過共城 例病纏綿日日新藥停終歲只

緣貧喜君不遠來千里恰是叔和一後身

十五日

憶王生洲 有引久不聞予姻友王生洲消息申之忽

及其甲申後在南都有防江一疏再爲痛哭因道

憶其初入臺忝劉元斌暨薦范質公諸賢今竟漂

泊支離家口困頓而死者幾半雖爲全軀保妻子

之士所媿笑然堅忍之志艱苦之情可爲憫惻  
爲敬重因占一絕 與君言別已十霜心事如同  
百鍊剛兒女情緣無掛帶祇爲叔季振綱常

馬玉筭爲余刻蘇門詩

十六日

寄王譽之 太公與申之早得一來何等有趣一番  
古道庶不落俗今未免負愧僕所爲夢寐不覺耳  
道丈用意篤厚立規宏遠自是當世偉男子然非  
研精學問便直是血氣用事大約學道之人須得  
枯稿一番方有著腳立身之處申之見解已極分

曉既得同人之助當益自策勵病叟借光

十七日

寄孫備九 申之來悉道丈欲來之情不能來之勢  
爲之低徊斟酌目前似且不必求速來速來恐多  
頭緒生事端耳方寸爲我千古同堂我輩相隔僅  
千里猶比屋也豈送疎遠西崗一專詳在申之之  
口道文質美行醅流俗砥柱然六言六蔽所借學  
之一字甚意頗與同人日日講求惟或信已非  
實人是所事也耳友耳

十八日



靜觀別墅話馬王筭李白中 偶過別墅話偏新榻  
畔圍爐趣更真賓主與飛醅一室行藏道在寄三  
人歲時悠邈幾微續富貴灼薰轉盼陳一夕靜觀  
千古意霜凝寒沍總生春

十九日

何生餘饋魚適值客至 薇採西山味有餘不須強  
缺嘆無魚金鱗饋我長盈尺正值門前客到初

二十日

寄宋篤齋 敝鄉去仁里咫尺耳憶二十年來僅一  
望清標良晤之緣天似不輕以假人迄漂泊南來

老親翁爲計卽次之安且轉托仙友  
多方覆露共爲計卽次之安此段高詭異失其重  
淵失其深矣月前過淇舍姪擬旋里走叩都門適  
晤某謂親臺以艱歸今且停驂封邱蘇門山色今  
古膾炙不知親臺有意一遊否

二十一日

客稱徐沛間兩孝廉有顏古古者鼎葦後上書中丞  
乞一片地爲首陽誓以身殉中丞亦不怪責令其  
擇處萬年邴聞之始出門見客

二十四日

客有能悔過者爲賦此 恥過從來習染深遂令皎潔積重陰翳雲奚足爲空累日月何嘗受物侵內訟望穿尼父眼飾非剝盡仲由心鷄鴨一悔成佳話學道源頭此處尋

二十五日

張子度自開歸過蘇門出其詩數首 黃河直渡抵商邱白髮蕭蕭仍壯遊細數經過名勝地等閒題句也風流

二十七日

王開佑太行過訪 太行北望瑞雲深忽爾高軒訝

惠臨海內十年求識面蘇門一晤  
遂需耽隱嚴早應須借作雲  
堦畧已歸高閣待我  
戈會自有知音

二十九日

長至 日臨長至雪霜深倚榻圍爐酒自斟一代是  
非誰共語百年感慨入孤吟  
閑從竹石同幽夢靜  
向琴書寄遠心此際陽生人不覺貞元消息好相  
尋

客來相晤每道人情翻覆到處爲然予曰言不忠信  
行不篤敬雖州里行乎哉爲作此詩 戈矛久矣

滿乾坤談笑油油鱗甲存吾道將爲斯世裂此懷  
豈向俗人論機忘到處狎魚鳥累盡隨時渾怨恩  
蠻貊可行州里阻尼山元自是專門

望雅問如何是行習著察曰明成物察人倫是千古  
來著察的榜樣人日與成物人倫相酬對而成物  
之情形誰能明明則無一物之不格人倫之常變  
誰能察察則無一倫之不盡所謂由仁義行非行  
仁義後儒以孔明韓范諸公爲氣質之美暗與道  
合然與舜之明察較自不可同日論恐後儒之所  
謂明察或亦口頭了了反之躬而義盡仁無不知

能無愧否著察全不在口頭上要歸在行習

三十日

得烈婦安邑周氏一則

入取節錄類集

十二月

初一日

晨起有作 著底工夫莫自瞞誰人信到已登壇行  
常有事換功易夢寐無欺爲力難鼎沸林枯心靜  
肅天空雲靜體清安兒童相對非言說但覺朝齋  
與夕餐

初二日

長夜挑燈孺子環坐每以對試娛我老懷 幽懷面  
目認來真門外無喧卽避塵糧絕方知蔬食美交  
清始覺視書親隨緣歌咏閒舒嘯任意抽排絕化  
嗔三世挑燈圍半榻老懷翻助一精神

初五日

憶王五修 徒步平干往返時千餘里外兩心知留  
雲舍裏誰佳士語到君家藥我思

初六日

憶陳國鎮 安肅同車話別離悠悠心事我凄其可  
堪千里風塵隔強讀天涯知己詩

三十七日

三君詩有明  
憶余南來幾遠元少字到玉  
行爲京兆三先生各寄字所知  
識三先生之然心飲三先生之德  
爲三君

三君世所宗朝野推者舊名德著千秋古人稱  
已陋與余隔雲泥謬謂石中琇少宰撫畿南爲我  
洗塵詎吾家武城宰多方受培覆契從伯順合期  
步靜修後司馬有難兒虎闖曾同售奉詔舉所知  
猥以余爲首內院奉綸音次且未敢就京兆思懿  
祗領我諸生袖不謂辱師門藥籠復見收特疏讓



司成益切清夜疾今茲策杖來思築蘇門岫邱壑  
得清安廟堂蔭愈茂愧我非堯夫公等真韓富

十四日

李允繩梁披素自成安來孫備允自易州亦於是日  
至

十六日

復王玉乘 足下樸茂誠篤望而知爲載道之器  
清眉宇久貯意中允老攜手字來蘇門山水宛若  
生客近臨也吾丈旣有意傳習錄此書能令人胎  
骨皆靈超凡入聖信心探討趣味自永但不可

作事之心乘之耳

二十一日

博兒尚兒奉其母自祁陽至共城王大爲實有勞焉  
攜李太公明吾刁非有李符夢手書各致  
其懸望之意祁俗之厚如此

得姻友王生洲閩中書其子景沂送孫女孫婦抵故

園

博兒抵共城 奉母徒行八百餘勞筋苦骨意何如  
果能識得其中趣勝敵人乘駟馬車

二十七日

奇杜君異 相隔既遠相晤自難日夕相念此何待  
言僕寓蘇門八月矣蘇門可居而不可居可居者  
公和亮夫 猶高隱之地山水亦自清幽不可居  
者謀生 難近山多有絕新時此甚難爲窮漢耳  
千餘里來節取之人不乏真實學問者寥寥每與  
二三孺子追憶江千星聚勝友雲集此千古希難  
之事親丈與國鎮勉圖之元未可輕望之他人也  
寄董正誼 千餘里來喜得橋梓以親見古人爲快  
手敏至候仙嘉適有字策勵諄切亦猶之乎足下  
勉勉不息之意同志有人此道不孤大抵學問一

事只是求慊此心此心得懽無限悅無限樂然須  
緊緊防一愠字枯寂冷淡熬熬不過便起怨尤廢  
半途敗末路者大率坐此足下猛力精心已得之  
於見端之始勿忘勿助當奉足下作四字箴也

寄侯仲嘉 別來千餘里過彙城得董正誼其人者  
真足下一流僕以平昔與足下語語之與爲雖然  
手札到日正誼字來復述與足下語二君素在心  
識久不相聞何一旦寄思同時而至此見我輩聲  
氣之通不約而合喜甚慰甚評史功課此中定自  
有得許候賜教酬應紛紜不及多布恐落爾人致

艱危賢者心當以此二語爲贈

二十九日

除夕 六十七年除夕過其城漫自曠蹠跣盤中芋  
栗食家味客邸兒童歲事和日月雖深仍闌浹結  
神幾散未消磨要知學問無慚處此際清歡得已  
多

日譜錄存卷之三終